



国家出版基金项目
NATIONAL PUBLICATION FOUNDATION

民国文献资料丛编

近代华侨报刊大系

广东省立中山图书馆编

第一辑 第二册

SPM

南方出版社
广东南海七甲



国家出版基金项目
NATIONAL PUBLICATION FOUNDATION

近代华侨报刊大系

第一辑 第二册

广东省立中山图书馆编

SPM

南方出版传媒
广东经济出版社

· 广州 ·



民國時期文獻
保護計劃

• 成 果 •

第二册目录

香山旬报

第六十期（一九一〇年五月二十九日）	二・三
第六十一期（一九一〇年六月七日）	二・九一
第六十二期（一九一〇年六月十七日）	二・一七五
第六十三期（一九一〇年六月二十七日）	二・二六三
第六十四期（一九一〇年七月七日）	二・三四三
第六十九期（一九一〇年八月二十四日）	二・四三一

香山旬报

郑岸父 李怜庵 编辑
香山旬报社 出版

广东省立中山图书馆藏



香山旬報

第陸十期

一
九
一
〇
宣
統
二
年
庚戌四月廿一日出版

每月參期逢一發行

第參年第十一號

香山旬報第陸十號目次

●論著

▲因楊恕祺慨論東粵之吏治

澤秋

●時評

▲保育會膜視嬰兒之可歎

天賦

▲悍哉賭徒怯哉局紳

質直

●小說

▲紅粉青憐

俠我

●文苑

▲欲雨

壽寔

▲觀彗星口占

平胡

▲遊三台石

端蕙

▲讀鐔士君哀王三三首有感因步原韻

亞川

▲晚承宗爽同學過話口占一律

曉峰

●談叢

▲感落花偶成二絕

儘超

▲淚花血片

景哲

●諧數

▲鐵城新樂府

見怪

▲汪精衛自嘆(劇本)

絳樹

▲鳴處寶鏡(劇本)

爛醒

▲會熱(粵謳)

亦進

●牌批

▲縣批

▲省批

●新聞

●告白

鳴謝良醫

東莞王廣善先生精脫內外痔漏僕等夙有痔患迭醫罔效蒙先生為之療治旬日間痔枯痼脫頓除夙患詢良醫也先生家傳

奇術不事刀針純用王道故可免意外之虞誠醫家之獨步也中外有素非世之率爾懸壺者可比僕等受賜難忘用綴數言以鳴謝悃使患是症者知所問津焉

恒和菓欄黃賀庭

香 山

城南楊藻南

同 頌

先生寓香山石岐懷德里華棧洋貨自造唐番靴鞋店

香港德輔道西五十四號門牌源棧金山庄

三



因楊恕祺慨論東粵之吏治

澤 秋

今日熱心政治改革之輩。嚆不以改良監獄、停止刑訊二者。為新政之要端。舉國官吏所當奉行惟力者哉。今日吾粵維持人道之士。嚆不以玩視要

論

著

(一)

論 著

(二)

政、罪及非辜。爲番禺縣楊恕祺咎哉。雖然。政府羣公。與夫封疆之臣。州縣之吏。果能上下一心。改監獄以恤囚犯。停刑訊以重民命。不爲委卸之言。不爲粉飾之具。期於貫徹其主義而後已乎。中國吏治之敗壞。斯已極矣。拔十而得一。識者猶難之。而欲責以實心行實政。吾知其不腦後置之。亦不免苟且以從事也。此豈特監獄刑訊二者而已。頃政府以立憲號召一國。內政之待興革者無慮千百。朝下一札焉曰行新政。夕出一示焉曰行新政。不知者必以今日州縣之官。其苦勞當較前者爲甚。豈知上以是召者。固不望在下者之必能實行。下以是應者。亦逆知在上者之意。正不必惟令是從者。雖然。同此上下相賊。而操術亦有巧拙之殊焉。巧者常見好於上官。亦能見稱於輿論。拙者常見詆於輿論。亦見訾於上官。彼楊恕祺所謂操術拙者也。嗚呼。東粵之縣吏。其苛虐刻酷、無復人理者。何獨一楊氏。特其操術巧。善自藏護。乃能不敗耳。此記者所以既惡楊氏之酷。復憐楊氏之愚。而於吾粵之吏治。尤不能不太息流涕而道之也。

夫所謂操術有巧拙者何也。蓋亦不必徵諸遠。往者吾粵設立學務處。以興學責成州縣之吏。時宰吾邑者爲柴令。性固執。謂興學非所宜。視朝旨之敦速。上官之文諭。漠然無所動於中。及至擢在上者之怒。派員嚴查。始旁皇無所措手足。星夜懸一小學扁額於舊有之豐山書院。當此之時。吾邑人士。莫不笑且憐之。繼其任者爲鄭令。素以能辦學自詡。攝篆不逾一紀。報告學校之成立幾及百焉。凡窮鄉僻壤之蒙館私塾。靡不以小學校視之。微論精神無所繫。即形式有不備者矣。然則以柴令較之。其不啻五十步之於百步也。然上官已相聚而議曰。某也才。某也不才。直視此爲考成之優劣。俄而柴令已解組歸里。亦自視才果不鄭令若。而鄭令已超擢數級。稱雄於政界之中。其氣燄有不可向邇者。噫、此豈有賢不肖之判哉。毋亦操術有巧拙。故得失有異數也。及徐攷兩人之政績。柴雖毫無表白。亦頗有儉樸戇直之風。而鄭則竟朋比惡紳。以會黨誣學界中人矣。豈可不深惡痛絕乎哉。至於近日新會覃令。以私和人命爲人控告。其始上官亦以

綸

著

(三)

論 著

(四)

彼善辦新政多寬假之辭。前番禺劉令。頗以曉暢新政見稱。然徵諸該縣輿論。則以貪黷未有若彼之甚者。夫以玩視民命、貪欲無厭之人。辦理新政。求其不苟且塞責。豈可得者。而竟能值此要譽於士庶。見許於長官。能不謂爲操術之巧耶。然此猶泛言之也。請卽以改良監獄停止刑訊二者而更伸前說。

吾粵改良監獄。始於南海虞令。其先未嘗不振刷精神。力祛積弊。後繼其任者徒擁改良之名。不行改良之實。腐敗如故。黑暗如故。今在刑事民事兩所一百八十餘人。忍無可忍。盡將其弊端徧登報章。閱者罔不髮指。然當未揭發之先。不特吾人不知其內容。卽省中同業。耳目切近。亦未聞有將其弊竇揭之報首者。毋亦但許其形式之完善。而未暇察其內部之何若乎。夫南海爲東粵首邑。又爲改良監獄先河之地。尙且若此。推之他邑。爲民上者對於此舉。果能名實相副、不自欺以欺人乎。識者亦知其難矣。至停止刑訊。則闔省之中。奉行者百無一二。故前嘉應鄒牧。竟以停止刑

訊、并未奉有明文、上詳袁督。然則爲楊恕祺者。苟能於履任之始。虛張一改良監獄之名。於形式上略加之意。則雖發現許有之案。亦可值此以自解。即欲爲之開脫者。亦庶幾振振有詞。斷不若今者委曲糊塗之甚也。乃竟智不出此。一旦爲輿論攻擊。無一言一事有反唇相稽之價價者。其操術豈不甚拙矣乎。吾知其同僚之人。必有竊笑於其旁者矣。

嗚呼。所貴乎州縣吏者。其上則能正人心。厚風俗。敦教化。裕民生。其次亦能嚴法度。慎職守。鋤奸宄。安善良者也。然賈生常言。俗流失。世敗壞。類非俗吏之所能爲也。故在今世。上焉者既不可得。其次者亦幾如鳳毛麟角。弗可多覩。舉其多者言之。則惟有假善辦新政之名。以陰行其營私罔利之術。藉黨援以相標榜。工塗飾而博稱譽。貿然者不察。亦多交口稱其能。而於苞苴雜進、賄賂公行、不恤民隱、積案日繁之事。一若熟視而無覩者。遂致善辦新政之員日多。而閭閻之生計日以蕭條。小民之疾苦日以深烈。卽此一端。已足以滅亡而有餘。而况重以外交之困迫。異族之

論

著

(五)

論 著

(六)

仇視。黨派之紛呶。財源之衰竭。為虎作倀、開門揖盜者之接踵而不已。嗟我同胞。尚有安枕之日哉。

徵求遺著廣告

吾邑學風權輿唐宋歷代先哲遺著必多然邑志藝文一錄除四庫著錄數種外大都目無書或版已久佚考求文獻者憾焉本社同人爰發願搜羅遺著以保存先哲之精粹特取未經刊行或版已久佚者擇其精要分期印登報端與眾共寶俟籌得巨款再彙為一冊名曰香山遺書付印行世邦人諸父如有先代遺著或家藏秘本欲廣流傳者希即交來本社由同人擇尤選印至幸至盼若故版尚存本社亦可代為印行或自行印刷託本社代售亦無不可

本社謹白

語云能生死人而肉白骨（不愧國手）

劉浩如先生其有是乎 先生夙承家訓學貫中西誠今

之良醫也對於男婦兒科固稱特色奇難雜症尤有把握僕僕於去冬足患石硬幸獲先生調治越旬而愈至今步履如恆故註數言以彰其德暨告世之所患者

現寓石岐懷德里安得烈氏大藥房

宣統 次 年 四 月 吉 日

花洲葉櫛移普告

三



時評

保育會膜視嬰兒之可嘆

天賦

前省城善界議設避風港。今巡警道倡建游民教養院。皆函邀報界記者預議。誠以慈善事業。有熱心者出而提倡之。必有言論界起而鼓吹之。則其成立也倍易。而提倡善舉之責任。亦言論家應有之事。而不容歧視之者也。然則記者對於保育善會。何爲而有微詞耶。曰、吾自有說。

蓋創辦一事。貴實不貴名。若實不副名。則內足灰善長贊助之心。外足來外間之疵議。而貧民之嗷嗷待哺者。將失倚靠而無所賴。是以慈善始而以不慈善終也。然則報紙立於糾察之地位。固宜危言正論。速其改良。若徒以慈善事業。投鼠忌器。是不足以成報紙。此今日記者對於保育會進言之本旨也。

時

評

(七)

時評

(八)

查保育會成立以來。成效頗著。然遷往育嬰堂以後。已不免衆口之評論。蓋該會職員。多放棄責任。例如該會建造工程。皆仰鼻息於醫生。太阿倒持。授人以柄。已令解人難索者矣。乃撫育嬰兒。全權爲醫生所操。而撫養又不得法。記者於中西醫學。向未問津。然觀本報所載。其育嬰之法。人人得而指其失。該堂育嬰。全以罐頭奶飼養。查罐頭奶爲飲食之資料。斷非養生之要品。且食物宜隨時變換。雖一物之滋養分極富。久食之則身體不能恆合最高之程度。且胃納亦因之減損。有礙衛生。況罐頭奶之畧帶熱質。而可恃爲飼哺之食品乎。此宜改良者一也。育嬰堂既與保育會合併。則育嬰之權。自宜歸善會管理。乃歸善會之後。竟將前有之乳母辭退。祇輪派女生二人察看。任小兒之聲嘶氣竭。而莫或過問。豈不忍乎。夫乳母不諳生理之作用。誠在淘汰之列。然不設法改良。祇令女生而親育兒之事。其能盡心否。吾知其不能也。既不能矣。則幼小嬰兒。日夕悲啼。使之常有不適意之感覺。於衛生上大有關係。此宜改良者二也。保育

會接理育嬰之事。尙未逾月。各嬰兒已死亡相繼。雖天氣險惡。易生病症。然既有前二者之缺憾。則該會仍不能盡辭其咎也。此宜改良者三也。有此三者。吾不知該會之醫生其知之否。吾不知該會之職員其知之否。吾嘗謂辦理慈善事業。非爲名躁進者可以勝任愉快。蓋爲名躁進者。祇可成事於前。斷不能維持於後。今保育會職員。熱心辦事者。固大不乏人。然爲名爲利者。恐亦不能免。此所以成今日保育會之局面也。吾聞之。惟善人能受盡言。吾願該會熱心任事諸公。亟有以善其後。

悍哉賭徒怯哉局紳

質直

吾邑各鄉之私設賭博者。幾於無處蔑有。然經局紳查悉。出而禁阻。則各鳥獸散。卽有悍而狡者。亦不過陽奉陰違。從不敢明目張膽。與紳士爭智鬪力者。乃官堂鄉局紳議禁賭博。而賭棍輩某竟執刀到局。聲稱局紳禁賭。請先試我白刃。怪哉怪哉。

夫局紳果爲一鄉之贅疣耶。則禁阻爲無力。賭徒自可一笑置之。使其爲有時

評

〔九〕